

ADRODDIAD YSGOL EIFIONYDD

Mai 2016



Llongyfarchiadau mawr i Miss. Catrin Elan sydd wedi ei hapwyntio i swydd athrawes y Gymraeg a Saesneg barhaol yn yr ysgol. Croeso hefyd i Mrs. Shan Gwenfron Jones i weithio yn swyddfa'r ysgol yn dilyn ymddeoliad Mrs. Pat Williams. Dymuniadau gorau i'r ddwy a gobeithio y byddant yn hapus iawn yma yn Eifionydd.

Bu tri o ddisgyblion Bl.9 sef Millie, Lleucu ac Elgan yn brysur yn cymryd rhan mewn rhaglen deledu, sef Llwyddodd Millie i ennill ei ffordd i'r rownd derfynol fydd yn cael ei ffilmio. Pob lwc Millie!

Noson Wobrwyo

Nos Wener, Mai 6ed cynhaliwyd noson wobrwyo flynyddol Ysgol Eifionydd yng Nghlwb Golf Porthmadog, Morfa Bychan. Yn ôl yr arfer cyflwynwyd gwobrau ar ddechrau'r noson ac yna mwynhawyd gwledd a disgo i ddilyn. Yr oedd pob un o'r disgyblion yn werth eu gweld a phawb wedi mwynhau yn arw. Diolch o galon i bawb fu o gymorth i sicrhau llwyddiant y noson arbennig yma sy'n benllanw i gyfnod Bl.11 yn yr ysgol. Dyma restr o'r enillwyr a llongyfarchiau calonnog i bob un ohonynt:-

GWAITH CWRS	CATRIN ROBERTS
ESIAMPL I ERAILL	SOPHIE THOMAS
DATBLYGIAD PERSONOL	HARRY HOLLAND
PEL DROED	MATH ROBERTS (TARIAN)
CHWARAEON	IWAN DAVIES
DIWYLLIANNOL	ANNA FÔN LANE ac ERIN ROBERTS

Perfformiad gorau mewn pwnc

CYMRAEG	ENLLI THOMAS	
CYMRAEG AIL IAITH	JADE STEVENSON	
SAESNEG	SION A EVANS	
MATHEMATEG	ANDREW THOMAS	
GWYDDONIAETH	EMILY MABBOTT	
ARLWYO	MARI FFLUR JONES	
DATBLYGIAD Y PLENTYN	ERIN PARRY	
DYLUNIO A THECHNOLEG – DYLUNIO CYNNYRCH		SOL KEMPSTER
DYLUNIO A THECHNOLEG – CYNHYRCHION GRAFFEG		ALAW JONES
DYLUNIO A THECYNOLEG – DEFNYDDIAU GWRTHIANNOL		CERYS JONES
ADDYSG GREFYDDOL	HANNAH GRIFFITHS	
HANES	CALEB LEWIS	
DAEARYDDIAETH	ARON JONES	
CERDD	STEFFAN JONES	
CELF	FRAN HARTILL	
FFRANGEG	CARWYN THOMAS	

TGCh
BUSNES
PEIRIANNEG
Y GYFRAITH
ADEILADWAITH
AMAETHYDDIAETH
CELFYDDYDAU PERFFORMIO

SARAH TAYLOR
GWENNO HUGHES
MARC THOMAS
MEGAN POWELL
GRUFFYDD OWEN
GUTO OWEN
ALICE EVANS

Rygbi

Cynhaliwyd Twrnament Rygbi 5x60 yng Nghaernarfon ar Ebrill 29ain. Llwyddodd tîm o fechgyn Bl.7 i ennill y twrnament . Llongyfarchiadau mawr i'r hogiau a llawer o ddiolch i Mr. Gareth Crowe am eu hyfforddi.



Hoci

Llongyfarchiadau i tim hoci Bl 7 am ddod yn ail yn Nhwrnament Hoci ym Mhlas Silyn. Da iawn chi genod am wneud mor dda yn eich twrnament cyntaf.



Pêldroed

Dymuniadau gorau i ddwy o ddisgyblion Bl.10 yr ysgol, sef Cassia Pike a Shannon Dukes sydd wedi cael eu dewis ar gyfer carfan merched dan 17oed Cymru. Bu'r ddwy i lawr yng Nghaerdydd am dridiau yn ddiweddar yn ymarfer gyda'r garfan. Llongyfarchiadau mawr a daliwch ati genod! Dyma llun y tim.

